



Inst. Kom.

17445

I

Mag. St. D.

P

Wojtowii Casimirus

Mag. St. D. Alberti Iusta feralia.

PANEG. et VITAE

Polon.

№ 534.

IVSTA FERALIA

S E V

ORATIO

In Funere

Nobilis ac Generosi Domini

D. CASIMIRI MARKIEWIC

WAZGIŁOWIC:

Eloquentiæ ac Iurisprudentiæ in Academia
Cracouiensi Studiosi

Vnici

Nobilis ac Generosi Domini

D. PETRI MARKIEWIC

WAZGIŁOWIC DE BVKSZEWICE

S. R. M. Curruum Præfeti

FILII

Ab

ALBERTO KVPCZEWIC, Elog. ac Philosophia In eadem
Vniuersitate Studioso.

Extremi affectus declarandi gratia

EXHIBITA.

CRACOVIE, In Officina Christophori Schedelij,

S. R. M. Typographi, Anno D. 1646.



Alta decora Parentum.

At
successi
ris

174451



Mirum? quis celeres. subuertit turbo sagittas?
Posterior terras sed petit astra prior.
Parca ferox? quid? sed fusum tum stamina tractat?
Crediderim Lethes. plena liquore furit:
Quidquid id est; furor iste bonus. Nam frigida membra
Dat terris. Sed mens. sidera clara subit.

IN STEMMA MATERNVM.
Cis Pontum quondam Phryxum Phryxiq; sororem
Agnus: at in coelum Te CASIMIRE tulit.

THOMAS ORLANDI, Stud. Rhet.



Eruditissimus & fructuosus præ-
sentis scentæ apparatus, quem no-
uus actor Casimirus Markievici-
us, longè illis quos paucos ante di-
es vidimus dissimilem instaurat:
quàm altò Carissimi Parentis
Fidelissimorum Præceptorum, & Nobilissimæ Iuue-
tutis Academicæ, nequaquam tanti præfaga mali,
lancinauit pectora dolore; mæstissimus iste ad per-
soluenda Iusta satis abundè testatur concursus. Et-
enim licet nō ætates aut anni, sed dies & horæ, quam
nihil simus demonstrent: recens tamen argumen-
tum fragilitatis oblitos admonet; & æterna meditā-
tes respicere cogit ad mortem. Sane est quod decre-
piti senes minores natu se ipsos esse fingant, & men-
dacio sibi blandiantur? vbi tanto à senectâ remotior,
quanto adolescentiæ propior, acutâ mortis falce, in
ipso melioris vitæ ingressu, sublatus est MARKIEVICI-
VS. Est quod nondum comâ positâ, Nestoris aut Pi-
lij voluant mente annos ephebi: vbi florentibus an-
nis, viuido corpore, vegetis viribus, à liminè vitæ ad

mortem retractum, in prædam & spoliū implacabili fato cecidisse vident Iuuenem. Est quod inconsulti Parentes, infans suorum togam, militiam, & auitæ hæreditatis fœderes animo agitent; vbi Vnicum solatium Parentis spes Familiæ, Iuuentutis flosculus, exemplo suo eos aliò euocat; ac vt diuersorium tantum commorandi naturam vnicuique concessisse, in hac vitâ sciant, clamat. Quanquam, nescio quâ fiat? quod cum tot quotidie, præter oculos omnium transeant notorum ignotorumque funera; tot præter domos ducantur exequiæ: tanquã semper victuri viuant; & obliti quantum temporis transierit, velut ex pleno & abundanti hauriant. cum ille ipse qui alicui homini vel rei donatur dies vltimus possit esse. Sciebat hoc optimè magnæ spei & eximæ indolis MARKEVICIUS, ideoque toto hoc tempore, quod licet alicui exiguum videatur, re verâ tamen altioribus intento magnum est, quo vixit; nihil cogitare, dicere, aut agere solebat nisi quod cum ad vitam rectè traducendam, tum ad mortem promptè expectandam ordinaretur: vt nequaquam immaturè præreptus qui maturè se ad mortem præparabat dici debeat. Sed quia nemo tam composito aut seuro est mentis habitus, qui in hoc repentino doloris ictu; Stoicam illam disciplinam ex formula tu-

la tueatur: quæram dolori remedium, & illius causas
licet in talibus minimè exercitatus ex animo cum
aliorum tum potissimum Tuo Mœstissime Parens
euellere conabor. Quantum bonum sit & quam
vnicuique expetendum, in tantis humanæ condi-
onis incommodis, sine vllò discrimine ac periculo
vitæ, exoptatum portum attingere; ac quò plerique
per tot labores, per tot discrimina perueniunt, prius-
quam aliquid aduersi experiaris peruenire: is ne-
scit qui vitam humanam omnium calamitatum ac
angustiarum scopum quendam esse negat. Omnes
omnium cōditionum homines percurramus, etiam
quos felicissimos, deprauatum rudis populi iudici-
um putat, sub censuram & calculum reuocemus:
nulli omnia ex voto fluere, sed multa aduersa eueni-
re deprehendemus. Affluit aliquis multo sudore &
labore comparatis diuitijs, ebore sustinetur, auro te-
gitur, terras transfert, maria concludit, præcipitat
flumina, suspendit nemora, eo denique deliciarum
processit, vt non habere illi sed calcare liceat diuiti-
as: at inter hæc liberis destitutus, infelicitatē suam
cum gemitu deplorat. Gaudet numerosā sobole &
felicissimis natorum successibus lætatur: at alium
in medio ferè iuuenilis ætatis cursu Parca ferox su-
stulit, alium virili proximum, alium iam iam pater-

na satiantem vota. Viuunt felices nati, est spes certa
conseruandæ familiæ, adeundæ hæreditatis; at vir-
gæ, secures, fasces, defunt. His circumscriptum om-
nibus, fragile & mortale corpusculum, cui non ex in-
iuria tantum aut potentioris viribus denunciatur do-
lor, sed ipsæ voluptates in dolorem vertuntur excru-
ciat. Est quem delicatus Liberi currus triumphantē
orbi circūtulit, sed vnus contumeliæ ictus non æquo
animo susceptus mirum inmodum afflixit. Est cui
omnia quietæ, pacatæ, ac tranquilla publica euene-
runt; sed maximas molestias priuata intulerunt.
Hinc est quod potentissimis & in altum sublatis ex-
cidere voces videmus, quibus conditionis suæ statū
tanquam miserum & infelicem detestentur. Hinc
quod velint ex illo suo fastigio si tutò liceat descen-
dere. Hinc quod priuatorum angustas gasas, augu-
stis præferunt palatijs. Romanorum illud delictum
verè Augustus Cæsar Augustus, cū quātū bona sua per
omnes terras fulgentia sudoris exprimerent, quan-
tum occultarum solitudinum tegerent, primo cum
ciuibus, deinde cum Collegis, nouissimè cum affi-
nibus armis decernendo; ac iam campos, terras, flu-
mina, maria, sanguine humano intingendo; iam Si-
ciliam, Macedoniam, Syriam, Ægyptum, Asiam,
& omnes propè oras armis exagitando, iam Alpes
pacan-

pacando, atque vltra Rhenum Danubium Euphratem terminos promouendo perspexisset: quam ardentibus votis vacationem à Rep. expetebat! quoties sermo eius ad hoc reuolutus est, vt sibi otium speraret? quoties labores suos hoc falsò licet, dulci tamè oblectabat solatio. Quid lex & lux ingeniorum. Tullius? inter Catilinas, Clodios, Crassos, Pompeios, partim manifestos inimicos, partim dubios amicos iactatus, dum fluctuatur cum Rep. & illam pessum euntem tenet, nouissimè abductus, nec secundis rebus quietus, nec aduersarum patiens: quoties illum ipsum consulatum non sine causa, sed sine fine laudatum detestatur? quam flebiles voces in quadam ad Atticum exprimit epistolâ, iam victo Patre Pompeio, adhuc Filio in Hispania fracta arma resouente. Quid acer ille & vehemens vir Liuius Drusus, cum leges nouas & Gracchana mala mouisset, ingenti totius Italiæ stipatus cætu, rerum euentum non prouidens, quas nec agere licebat, nec iam inchoatas relinquere: an non vitæ conditionem execratus, vni sibi ne puero ferias contigisse proclamauit. Quid (vt antiquiora omittam) Carolus Quintus Romanorum Imperator Inuietissimus? an non cum plurimas res terrâ marique gessisset, cum Mediolanum à Gallis capto eorum Rege Francisco recuperasset, regnū

Neapo-

Neapolitanum ab iisdem ingenti exercitu ac bellicis apparatibus instructissimo repetitum conseruasset; memorabile de superatis, in Africa Mauris & Numidis trophæum erexisset, denique Germaniam omnem inter Danubium & Albim, Rhenumque quod nec Romanis olim Ducibus contigisse constat, incredibili felicitate domuisset: an nō maxima hæc bona quàm sollicita essent apertè declarauit, cū scriptis ex Hispania ad septem viros Electores literis, legatisque Gulielmo Principe Aurantio, Sigismundo Seldio & Lupo Halleno Francofurdiam missis imperij falces, quos per 30 annos tenuisset Ferdinando fratri resignauit. Prò Supèrum hominumque fidē. Ita ne qui summum felicitatis culmen conscendere videntur, in illā ipsā quam vulgus miratur & expetit fortè, aliquid quod in odium, non tantum facultates, diuitias, honores, sed & ipsam vitam adducat inueniunt? Ita nihil erit in rebus humanis, quò aspirare, tãquam ad terminum laborum & molestiarum liceat? Ita Auditores. Omnia ista bona quæ nos speciosa quidem, sed fallaci voluptate delectant, pecunia, dignitas, potentia, aliaque plurima ad quæ mortalium exca cupiditas obstupescit, cum labore possidentur, cum inuidia conspiciuntur, cum periculo retinentur, cum dolore amittuntur. In hoc profundum in-

quie-

quietumque proiectumate, alternis æstibus recipro-
cum; & modo alleuans nos subitis incrementis, mo-
do alienis damnis deferens, assidueque iactans, nū-
quam stabili consistimus loco, pendemus, fluctua-
mur, alter in alterū illidimur: & aliquando naufragiū
facimus, semper timemus. Felices illi qui priusquam
inconstantiam & vicissitudines rerum humanarum
fenserunt, collectis sarcinulis, aliò se transferunt; ac
Securi ex alto reciprocos æstus rerum humanarum
vident. Talem Te ô innocens animā CASIMIRE MAR-
KIEWICZ, si dixerō non errabo. Sane temporis paulò,
quam alij huius vitæ supplicia cognouisti; citiùs, ni-
hil esse, quod ex hoc carcere putido exire cupientē,
ac ad illa cælestia & æterna euolare volentem animū,
detinere posset, cognouisti. Non te Carissimi tui
Parentis innatus amor flectere, non Familiæ conser-
uandæ desiderium retardare, non hæreditas satis am-
pla flectere poterat, quo minus in illa tua cum graui
morbo lucta, ingeminando exclamares; Cupio dis-
solui Cupio dissolui. Sed quid mirum? vbi antea ctæ
vitæ tempus in summā continentiam, modestiā, pieta-
te, transgisses. An verò & tu Parens Mœstissimè,
meliolem sortem precari potuisti Filio tuo? an pre-
tiosiolem supellectilem relinquere, quam talem edu-
cationem, à quā adiutus in duellum à graui & diu-

turno morbo, imo ab ipsâ morte prouocatus stetit
infractus & constans, suppar periculoso licet certa-
mini. Sciebas vt sublato fundamento amplissima le-
ui vento corruere ædificia; sic sublatâ institutione
& educatione rectâ vitam. Ideoq̃ue ad hanc Acade-
miam, in qua literarum cum pietate indissolubilis
viget nexus; ad hæc togatæ Palladis castra, in quibꝫ
quasi signo dato virtutes cum vitijs, scientiæ cū igno-
rantia colluctantur; ad hoc denique Sacrarium, in
quo ad aram Apollinis comâ depositâ sacris Musarū
Polona initiatur Iuuentus ablegasti Quid porrò il-
le? an (vt plerique solent inconsulti temporis dispē-
satores) in ludis, iocis, comessationibus, florentem
consumeat ætatem? an Præceptoribus suis contu-
max & morosus, æqualibus difficilis & molestus,
omnibus odiosus apparuit? an cum in tanta frequē-
tia plerumq̃ue scabiosa ouis reperiatur, aliquē mor-
bum animi contraxit? Vos hic appello Fidelissimi ac
laboriosissimi Professores, vos Cōdiscipuli eius Ca-
lissimi. Cui vestrum vnquam molestus erat? cui bi-
em & stomachum mouit? quem dicto, aut facto, ex-
cerbauit. Certandum erat ingenio cum æqualibꝫ
le laude, quæ generosas mentes noctes diesq̃ue sti-
mulat, quis illo feruentior? ostentanda memoriæ
uæ, & intelligentiæ admirabilis illa vis; quis illo
prompti-

promptior? auocandi à nucibus & ludis ad seria æqualium animi; quis illo felicior? Pendebat ex ore docentium auscultator fidelissimus: obseruabat Professorum dicta discipulus diligentissimus: parebat mandatis maiorum cliens obseruantissimus. Et verò contigerat illi Autoris naturæ beneficio facilis ac expedita intelligendi celeritas, & quod raro euenit parem sortita iudicandi formam. Contigerat memoris animi sensus, immensi propemodum thesauri quæstor indefes, in rerum imaginibus accipiendis audus & rapax, in conseruandis auarus ac tenax, in dispensandis prodigus ac profusus. Contigerat vastus pectoris sinus, ac præter ætatis angustias inexhausta capacitas, omnium fermè tam patiens quam auida facultatum. Atque inde eueniebat, vt ingenij Maiestas ingenua, vel in ipsa facie tanquam prænūcia mentis cerneretur. Neque enim in animo solum velut in Regiâ latet, ac serijs quodammodo negotijs incubat; sed foris habitat in fronte, ac velut suburbanoprædiolo rusticatur ingenium. Inde vt Præceptorum amorem, æqualium honorem, cunctorum gratiam mereretur. Inde vt selectissimi ex Iuuentute Academica eundem ad conuersationem admitterent, ac illius exemplo ad studia incitarètur. Iam intra lares & penates domesticos (adhæsit enim viro

& scientijs apprimè instructo, & morum ac vitæ integritate nemini secundo IACOBO SVSKI Collegæ Minori) quanta modestia? quanta diligentia? Diuidebat ad formulam horas vicissitudine quadam lectionis atque scriptionis, & quasi diurno labore cupiditas discendi expleri non posset, noctes violatis somni inducijs adsumebat. Ardor ille bonæ mentis, ultra cōcubiū lucubrationes producebat, ante diluculum resumebat. Omne perire tempus quod studijs non impenderetur dictitans. Et iam dignus non proprio arbitrio, sed eorum ad quos censura ingeniorū propriè pertinet M. D. IACOBI VITELLI S. Th. D. ac Professoris Academiæ nostræ, pro tunc Rectoris Vigilantissimi, & A. R. D. ADAMI HYACINTHI DRASKI S. Th. Professoris longè dignissimi, maturo iudicio, publicis lectionibus denunciatus erat: cum ampliorem excolendi ingenij nactus campum, nequaquam ad illam paulo liberiores licentiam deflexit; sed benè pressam ad sapientiam conquirendam sedatorum viam, tenuit gloriôsè. Taceo pleraque alia, quæ in recenti omnium versantur memoria eius diligentiae documenta. illud vnum cuius pars magna fui præterire nec possum nec debeo. Successerant post semestrem ingenij culturam Augusti Feriæ Iuventus partim ad inuisendos lares domesticos, partim ad resu-

men-

mendas remissione vires sese contulerat. Personabant tamen Lectoria vocibus disputantium: tangebant sonoram Helim cum suis Musis Apollo Philosophicis: discutiebantur difficiles admodum & nodosæ ex Naturali Morali Rationali Philosophia Quæstiones. Ille ne torperet otio, ne vigilante Duce miles in utrâque dormiret aurem, publicè in frequentissimo eruditissimorum Virorum confesso, quæstionem moralem de diuitiarum ad vitam feliciter traducendam necessitate, cum summo apparatu dictionis, cum maximâ dignitatè vocis, cum admirabili sermonis gravitate, vultus Maiestate, oris totiusque corporis compositione, discussit, determinavit: adeò, ut ætatē excessisse videretur. Non miror nunc Romanæ Suae Medullam olim protulisse, ab excellenti & eximîâ virtute progressum ætatis non esse expectandum, Non miror iniquos illos & ignaros humanæ conditionis cenferi, qui annularum legum tenaces, virtutem omnem temporis limitibus circumscribunt. Quemadmodum enim fruticem aliquando fructu lætum, & floridum, arborem contra proceram vetulamque iufelicem: sic in puero aliquando virum & in viro puerum videre est. Credo errare illos, qui virtutis quam ætatis cursum tardiorē existimant; errare qui annos expectāt: cum vernanti etiam fron-

ti seueritatem animus compositus imperet, & natura iudicium priusquam corpus firmer. Vidit hoc antiquior ætas in Africano, vidit in Rullo, vidit in Decio, Flaminio, Coruino & multis alijs: qui in ætate nondum benè maturâ, omnium oculos in suarum virtutum contemplatione defixos tenebant. Vidimus & nos in nostro MARKIEVICIO, idque eò libentius, quo non tantum artibus ac scientijs, sed virtuti quoque ac pietati deditum mirabamur. Grauiam certè semper inferebant mortalibus damna, literæ sine virtute, grauiam eruditio sine pietate. Etenim quod fragile hoc & mortale corpusculum, sine præsidio animæ: quod inferior mundi pars, sine lucis Parente Phœbo: hoc literæ valent sine pietate. Caret omni decore corpus exanime, sed & doctrina turpis sine virtute. Turbantur omnia inferiora, absente Sole. turbantur & omnes mentis conceptus virtute destituti. Atque hic ego quo apparatu verborum ad MARKIEVICII nostri pietatem explicandam vtari non inuenio. Quoties quoties ego ipse vidi eum, cum summâ mentis in Deum eleuatione, in Oratorio Pietatis Academicæ, flexis genibus, dēmissō in terram vultu, composito ad modestiam corpore, pias ad cælum fundentē preces: quoties si quæ erant delicta, (vt nemo nostrum sine vitio est) cum amara contritione ante Cōfessa-

festarium deflentem: quoties SS. Eucharistiam cum
maxima cordis humilitate suscipientē Illa illa vero
erga Dei Parentem Virginem intègerrimam pietas,
cuius vim ac copiam dicendi non exhauriet Singu-
lis diebus aliquod pietatis opus in honorem Sanctis-
simæ Virginis facere; manè & vesperi se & sua eidē
deuouere, Officium Romanum in perpetuæ inci-
pationis signum deuotè recitare, in Festiuitatibus il-
lius sacra Synaxi refici: illā Matrem, illam Patronam,
illam Dominam & Aduocatam crebris vicibus inge-
minare, an non feruēris pietatis singulare documē-
tum Et decebat sanè, vt non alteri cuiquam nego-
tio deditus præmium accepturus vocaretur: quam
cultui Virginis SS. Mirum est quod dicam; ita tamen
esse sciunt qui curam eis gerebant: eum cum de Glo-
riosissimā in cælum Virginis Deiparæ Assumptione
Orationem scriberet in morbum incidisse; post no-
men Seruatoris nostri & Virginis SS ingeminando
Sacramentis omnibus ritè susceptis, in manibus sui
& Præceptoris & Medici Clarissimi PAVLI MANKIE-
wicz expirasse O felicem animam quæ ita se ad nu-
ptias illas cælestes præparauit Felicem militem quē
excubantem ferè; & honorem Virginis SS. propa-
gantem Imperator ille cælestis offendit Discite
hinc Iuuenes Magnanimi à teneris ad cultum Dei-
paræ

paræ assuescere Discite abiectis tēporalibus & tran-
sitorijs, æterna nec peritura cogitare. Discite Maio-
rum vestrorum voluntati in omnibus parere. Disci-
te in omni loco omniq̃ue tempore, parato animo
mortem expectare. En prototypus in oculis omni-
um versatur. Hic quem paucos ante dies, benè sa-
num ac florentem vidistis: iacet nunc omni decore
spoliatus; quem fronte læta, candidis genis, labijs ru-
bicundis, ore hilari, collo tereti, gracili corpore mi-
rabamini: nunc pallidum, eneruatum, deficiente san-
guine, flavescentibus brachijs, carie ossa arrodente,
longè priori dissimilem conspicietis: quem dulci Sua-
da, omnium animos detinentem audiebatis, nunc
elinguem ac mutum, longe tamen efficacius, peror-
rantem obstupescitis. Hæc quam in illo cernitis, no-
stra est imago Omnes huic rei tollimur quisquis
ad vitam editur, ad mortem destinatur. Tu vero Pa-
rens inæstissime vnico orbatus filio, an non ingemi-
sces? an non in amaras resolutus lachrymas, tam im-
maturum CASIMIRI Tui obitum deplorabis? Credo.
Sed quid? an cum videres maturam in Iuvene pru-
dentiam, victorem voluptatum animum, virilem
morum grauitatem, diu Tibi putabas fospitem illum
contingere. Quidquid ad summum peruenit, incre-
mento non relinquit locum; Vbi incrementum non
datur

datur, vicinus occasus est. Eripit se aufertque ex oculis perfecta virtus, nec vltimum tempus expectat, quæ in primo maturuerunt. An vero aliquis cito moritur, qui victurus diutius, quam vixit non fuit? Fixus est cuique terminus, manebit semper vbi positus est, nec illum vltcrius diligentia aut gratia promovebit. Non est itaque quod sic te oneres: potuit diutius viuere; potuit ad maturiorem ætatē peruenire. Non est interrupta eius vita, nec vnquam se annis casus interiecit; soluitur quod cuique promissum est. Eunt vi sua fata, nec adiiciunt quidquam, nec ex promisso simul demunt. Si virtutibus illum non annis æstimabis, satis superque vixisse dices. En ille, iam Tibi, quod ei vitam dederis, quod honeste educaueris, quod artibus excolendum volueris, quod præceptis, & admonitionibus salutaribus in lubricâ, & ad vtrumlibet pronâ ætate informaueris, gratias agit. Verba expirantis sunt. Nihil cuiquam debeo nisi Parenti meo Carissimo Vitam, educationem, sumptus ac impensas, proinde pro his omnibus maximas agens gratias, vltimum Vale absenti dico. Gratias & vobis habet Præceptores Fidelissimi, quod tam graues molestias, sollicitas curas, indefessos labores, in excolendo eius ingenio suscepistis. Præceptoribus inquit meis, cum æquiualens reddere non


C
possim

possim, darem cum Socratico Æschine meipsum, sed
cum ne hoc quidem possum, extremam gratitudinis
vocem Viuite **FELICES**, libens volensque con-
secro. Gratijs denique Vobis Iuuenes Magnanimi
quod propenso amore, & singulari affectu vsque ad
extremum tempus, prosequi eum non dubitaueritis.
Iuuentuti inquit Academicæ, cum gratijs, pro exem-
plo meipsum relinquo. Ergo abijt **CASIMIRVS** no-
ster, Iuuenes Magnanimi, abijt. & cum ipse ad longe
feliciorem statum, transferit; Nos, vt parati vl-
timā semper horā præstolemur ad-

monuit. Siquidē, **NE CRA-
STINO DOMINA-**

MVR.







Ms. A. 1. 15

Biblioteka Jagiellońska



stdr0019488

